

新疆圖志卷壹百肆

奏議志十四

清

新疆巡撫陶模奏稿

創立威遠礮隊保存神機槍礮摺

派員分查喀什噶爾邊界摺

密陳會議許景澄南路邊情摺

新疆變賣草束礙難援照甘肅例價請仍照折徵
價摺

新疆圖志

奏議志十四

庫車廳地震被災片

新疆電報養綫等費摺

請駐防喀什沿邊營旅照行糧支給摺

奏築羅布淖爾蒲昌城動支銀兩片

密奏勞師糜餉速結帕米爾界務片

購辦洋槍鑄造鐵砲以固邊防摺

會議胡景桂新疆邊防善後摺



陶模奏創立威遠礮隊保存神機槍礮摺

竊神機營官兵先後由新疆回京業經奏明將各項槍礮派員經理在案查光緒十八年臣函商北洋大臣李鴻章由武備學堂遴派補用守備張志文把總王恩貴前來新疆當飭照標營章程於十九年七月初一日募成新式槍隊一哨教習陣法操法及挖溝築壘諸事現有成效前項槍礮應卽飭交張志文王恩貴接管並將所帶新式槍隊改爲礮隊一哨名爲威遠礮隊由臣督飭操練俾成勁旅應需月餉及車騾等項經費均照標新彊圖志

奏議志十四

二

營礮隊章程從本年五月初一日起支據布政使饒應祺詳請具奏前來臣覆核無異謹繕清單會同陝甘總督楊昌濬恭摺具陳伏乞聖鑒飭部立案施行

清單

威遠礮隊一哨以九十二人爲定額私夫車夫在外管帶官一員月支薪水銀十八兩每月加製辦旂幟號衣銀十六兩均不扣建私夫四名每名月支銀二兩七錢營書一名月支銀六兩哨長一員月支薪糧銀七兩二

錢私夫二名每名月支銀二兩七錢什長六名每名月
支銀四兩五錢護兵四名每名月支銀四兩二錢礮勇
七十二名每名月支銀三兩九錢火夫七名每名月支
銀三兩車夫八名每名月支銀三兩車騾十六頭每頭
月支乾銀二兩四錢均扣建計大建月共支銀四百七
十一兩四錢小建月共支銀四百五十六兩八錢二分

陶模奏派員分查喀什噶爾邊界摺

竊查新疆邊界袤延數千里西北與俄境毗連西南與英屬外部接壤光緒十年分界大臣沙克都林札布會同俄使議定喀什噶爾西北界綫至烏仔別里山豁爲止彼時如何會同設立牌博新疆官弁無人隨往以致烏仔別里實在地址一時無從指証其自烏仔別里以南從前旣未劃分此時尤難辨晰十七年俄人垂涎帕米爾派兵越卡疊承總理衙門查問界址是年七月前護撫臣魏光燾派委府經歷海英候補主簿李源鈞分赴西南西北各邊境查勘雪嶺冰山奇險萬狀該員等深探窮入相度再三十九年秋始有端倪屢據繪圖貼說臣經先督臣送總理衙門在案旋復承准電詢因都庫什以北薩雷濶勒東西一帶地勢兼查阿富汗交界地方臣當飛飭分履覆查現在該員等已到之處地名音譯山川源委尙須詳細考証未到之處尤須周遭徧歷俾形勢了然將來議分界務方有把握惟念各該員跋涉窮荒衝冒瘴癘實屬異常辛苦除月支薪水外不得酌加津貼以示體恤隨帶繪圖書士通事嚮導並

遞文開路人等均須分別給予口食騎馬及行裝駝運
等費核計每員每月各需湘平銀二百一十兩零添置
儀象鐵器等物仍准另報一次自十七年七月起已按
月支給擬俟查勘完竣隨時停止期歸節省所有派員
分查喀什噶爾邊界情形恭摺具陳伏乞
聖鑒訓示施行

陝甘總督楊昌濬
新疆巡撫陶模
密陳會議許景澄南路邊情摺

竊臣等承准軍機大臣字寄光緒十八年十二月十二日奉

上諭許景澄奏敬陳新疆南路邊境情形一摺等因欽此並欽錄許景澄原摺欽遵寄信前來跪誦之下仰見朝廷慎籌邊備預弭釁端之至意臣等查俄兵進踞帕米爾往來無定自應嚴密防範以免疏虞色勒庫爾即塔什庫爾干距喀什噶爾九百里塔夏爾瑪在色勒庫爾北八十里布倫庫爾距喀什噶爾五百里三處均布

新疆圖志

奏議志十四

六

回部落上年各駐馬隊一旂冬間臣模咨提臣董福祥加派馬步前往助防現派署英吉沙爾叅將訛名總兵楊德俊率步隊一營駐守色勒庫爾兼統沿邊諸營旂奇靈桑珠等卡以外邊界已飭加意巡防各該處道途險遠飭照行糧章程支給以資鼓勵復於撫標及阿克蘇鎮標調撥步隊三營馬隊三旂飭赴喀什噶爾聽候提臣分布臣昌濬密飭甘涼肅諸軍預爲整頓以備調遣至邊境情形近據喀什噶爾道稟稱俄兵駐紮讓庫爾六爾阿烏等處不及千名現亦無驚報惟喀什噶爾

各城處處鄰敵提臣董福祥謀畧深長端資鎮懾臣等以爲衝鋒陷陣將校之職籌畫機宜統帥之任提臣正須居中調度未便遽令輕出許景澄原奏提督出駐邊營一節自非事勢十分喫緊似不必定如所議又原奏新疆巡撫應於春夏之交赴喀城巡閱一節竊思上兵伐謀首貴自強疆臣所能盡力者以整肅吏治講求武備爲急務臣模於上年夏間咨商北洋大臣選派熟習新式操法人員來新教演並派員分赴天津上海購辦軍械現均未到臣模如赴喀城巡閱應以察看防營爲

新疆圖志

奏議志十一四

七

先竊審此時軍容似尙未足以懾強敵况離省窻遠往返五六月之久後路伏莽在在堪虞顧彼置此似亦非計然許景澄既有此議臣模若不一往不特無以仰慰聖塵亦無以激勵將士再四籌思未知所措不得不將現在情形據實陳奏請

旨遵行蒙

諭飭神機營暨北洋大臣籌備新式槍炮臣模已遵派員弁迎接一俟到新即交提臣扼要位置仍切屬各營講求操法極力整頓冀有成效色勒庫爾應否置爲重

鎮俟防務大定再行妥議

奏明辦理如拜摺後邊報有警臣模自當不拘時日馳赴南疆辦理防務斷不敢稍涉遲緩致悞事機臣等往返函商意見相同理合將遵

旨會商籌防邊務緣由合詞密陳伏乞

聖鑒訓示

新疆圖志



奏議志十四

八

陶模奏新疆變賣草束礙難援照甘肅例價請仍照折
徵價摺

竊准戶部咨覆署烏什廳同知江景耀接收前任袁運
鴻草束一案內開光緒十八年以前各廳州縣變賣草
束均准每百觔照銀五分之數辦理自光緒十九年起
各州縣變賣草束即照甘肅例價每百觔定價銀一錢
報部等因飭據布政使饒應祺詳覆前來臣查新疆北
路向不徵草南路本折草束與額糧並徵前撫臣劉錦
崇奏准每百觔折收銀五分嗣後各屬稟請變賣均飭

照五分之數辦理在劉錦崇非不知市價有漲落顧以
五分析收即以五分變賣者誠以立制貴得其平體察
地方一切情形酌中定擬凡見爲少者或欲加而不得
現在南路草束視往年尤爲饒足間值騰貴比較折徵
價銀不過一分數釐而若圖多得贏餘每百觔定銀一
錢雖屬甘肅例價所有實爲新疆市估所無而又以此
爲限制不特高抬價值與民爭利似非政體所宜竊恐
勢有所不行公中究不免於折耗蓋南路各屬轄地數
百里千餘里不等存草數十萬百餘萬不等戈壁長途

不能運赴別處銷售除商民零星購買以營旅領用爲
大宗按季支放由舊管項下酌搭數成爲推陳易新之
計而各勇丁以爲雖按五分核扣實不如採買民草之
適用又豈肯以加倍之值領此新陳攙半之草勢必銷
路日隘旣愈積而愈多州縣恐致賠貼不敢請售且愈
積而愈壞年復一年將有并此五分之價亦不能如算
者是草價一項照舊則銀數似覺輕減議加則虧折轉
在將來利病所在固不得不通盤籌畫也部臣以新疆
甘肅轄地毗連援甘肅以例新疆持論原非刻覈惟關

新疆圖志



奏議志十四

十

內外情形各異礙難執以相繩合無仰懇

天恩俯准新疆各屬草束仍照百觔扣銀五分例價變
賣以歸畫一而昭核實所有新疆變賣草束請仍照折
徵價情形恭摺具陳伏乞

聖鑒訓示施行

陶模奏庫車廳地震被災片

竊據庫車廳同知劉人佐稟報光緒十九年十一月初十日卯刻該廳忽然地震簸蕩搖撼莫可名狀連震十餘次始定此後又接續微震至二十日方止踏勘城關內外並分查各鄉計廳城城身開裂倒口數處城樓角亭女牆塚口及同知照磨兩署守備營署兵房各廟宇義塾監獄驛房官店糧倉軍裝局電綫報房或全行坍塌或開拆欹斜回子郡王住房禮拜寺半已傾塌城關及各鄉民房均有倒損北鄉較甚綜計共倒民房五百

新疆圖志

奏議志十四

十一

五十六間壓斃男女九丁口壓傷三十三名等情前來當飭藩司委員前往勘驗一面批由該廳查明被災各戶暫各給銀一兩架搭蘆棚以便樓止壓斃各丁口每名給銀三兩被傷者給小麥一名以便痊埋而資醫治前項銀兩麥糧均由善後項下開報至城署廟宇並各項房屋如何酌量修理估需經費若干倒塌民房應否加給銀兩俾資修造再行詳請核辦竊維山澤飛通斯無地震之患新疆河流平涉戈壁袤延地氣不舒時有震動然不過頃刻即止茲該廳遭此奇災實從前所未

經見臣忝膺疆寄惟有力加修省以期消弭勉副
朝廷委任至意所有庫車地震被災情形謹附片陳明
伏乞

聖鑒訓示

新疆圖志



奏議志十四

十一

陶模奏新疆電報養綫等費摺

竊新疆東南北三路次第安設電綫經北洋大臣李鴻章陝甘督_臣楊昌濬會同_臣先後

奏明籌款興辦在案東路自嘉峪關至新疆省城十九年夏間蒞事南路自吐魯番廳至喀什噶爾本年二月亦經告竣現在北路展至伊犁四月即可開辦各路採運電料均由總辦電報事宜直隸津海關道盛宣懷派員經理應需桿木由_臣分飭各廳州縣按段購備木料運價造冊送交盛宣懷彙案報銷至常年需用養綫修

新疆圖志



奏議志十四

十二

理等費前摺申明由新疆籌備接據盛宣懷酌定章程_臣逐加核閱闕外瘠苦百物昂貴一切費用較內地須稍從寬方能經久計東路安西州酌設報房哈密廳設子局吐魯番廳設分局省城設總局南路喀喇沙爾廳庫車廳瑪納巴什廳分設報房阿克蘇酌設子局喀什噶爾設分局北路擬於庫爾喀喇烏蘇廳設報房伊犁惠遠新城設分局計總局一處分局三處子局二處報房五處綜核委員領班司事工頭巡目丁役人等薪工火食並修理等費每年約需銀二萬七千餘兩遇閏加

陶模請駐防喀什沿邊營旂照行糧支給摺

竊照光緒十八年俄兵越入帕米爾各卡臣咨商喀什噶爾提督臣董福祥調撥營旂擇要扼守先後

奏明在案查新疆標防各營光緒十四年撫臣劉錦棠具奏一律改支坐糧而部臣於十年奏西路軍餉浩繁統籌全局摺內有無事尙支行糧有事時不加無以示勸請改行糧爲坐糧出征外域始照行糧支給等語通計常變酌節餉需以備出征時鼓勵士卒之用誠以沿邊萬里逼近強鄰中外斷不能百年相安餉章卽不能

新疆圖志

奏議志十四

十五

一成以易其謀慮良深遠也帕米爾自俄人肇釁以來或移阿克蘇鎮屬營旂歸提臣調遣或由撫標抽撥並新招馬步填紮喀什噶爾及阿克蘇所遺營汛當以移防尙在腹地籌餉又極艱難飭經過各屬供支糧料柴草稍資津貼關餉仍按坐糧給領惟喀什噶爾沿邊卡隘如布倫庫爾及色勒庫爾塔敦巴什等處距城數百里至千餘里不等前後抽調步隊四營馬隊七旂開花砲隊一哨分段防守其扼要處所多在層巖疊嶂之間路徑崎嶇水草缺乏山嵐煙瘴險惡異常僅給坐糧難

資鼓勵上年督臣楊昌濬函商及此臣竊計邊事如了結行當撤回未卽具奏現在分界尙無定議各將士絕徼防戍非無事時可比若仍支發坐糧未免漫無區別擬按標營人數暫給行糧餉銀其自上年派撥者從十九年正月初一日起支本年陸續調往者各從開拔之日起支砲隊勇丁行糧過優應照坐糧量行加給各營旂棚帳子葯等項擬每棚設棚夫一名以資經理該處防地遼濶提臣相距亦遠事權若不歸一竊恐貽悞戎機業咨會董福祥派委記名總兵署英吉沙爾叅將楊

新疆圖志

奏議志十四

十六

德俊統領西四城沿邊馬步酌給統費俾足辦公綜計現撥各營旂哨除運解糧草腳價及各項雜費咨飭司取具細數造冊詳請奏銷外其應支月餉暨統領公費較坐糧歲多銀四萬餘兩一俟邊務平靖撤回原防照舊支給坐糧棚夫統費一併停止如此辦理核與部臣出征外域始給行糧之議相符各將士沐

朝廷寬大之恩亦必共矢忠良勉圖報稱實於邊陲大有裨益據布政使饒應祺開列營旂餉銀數目前來謹會同陝甘總督楊昌濬恭摺具陳伏乞

聖鑒飭部立案施行

新疆圖志



奏議志十四

十七

陶模奏築羅布淖爾蒲昌城動支銀兩片

竊羅布淖爾即漢蒲昌海光緒十五年經前護撫臣魏光燾奏請開辦於英格可立地方設立撫輯招徠局數年以來計土著並新招業農纏回共一千二百餘戶商民約二百戶村落市集漸有起色惟該處荒地初闢道里遙遠非建立城垣無以固人心而資保障查距英格可立二百八十五里之都納里河流環繞形勢扼要地土尤爲平衍飭於該處築土城一座周圍四百四十丈名曰蒲昌城撥派營勇分段興修所需犒賞及雇匠購

新疆圖志

奏議志十四

十八

料各項銀兩均由該局經費項下撥節動支併案造報據布政使饒應祺詳請具奏前來理合會同陝甘總督臣楊昌濬附片陳明伏乞

聖鑒飭部立案施行

陶模密奏勞師糜餉速結帕米爾界務片

竊自俄兵越卡論者不體察一切動以不戰相訾議顧疆場之事戰固慮防大局不戰而曠日持久亦必有師勞餉竭之虞帕米爾本邊徼瘠區俄欲得此其意固有所在我則沿邊設備處處宜嚴故俄以數百人綴我數千之師俄不見不足我未見有餘我防俄俄不防我也該處山嶺阻深八月即凍狂風走石瘴氣翳空各將士奉調久役瘦削黧黑無復人狀征戍之苦未有甚於此者至糧料草束運費動增數倍良由布回游牧之地間

新疆圖志

奏議志卷十四

十九

有糧草僅足自給無從購買加以山路陡峻車輛難行均由疏勒莎車等屬用馬馱運一往一返近則經旬遠且逾月馬運爲數無幾而沿途餽養旣取給於此層層耗減愈遠愈多其充軍食者較原運之數或至短半綜計現撥營旂及各項員役共三千數百名騾馬一千數百匹每月所需運腳並局卡等項雜費約在二萬兩以外夫久暴師則用不足最爲兵家所忌現在陳兵相持爲時已久歲糜數十萬金坐受疲敝而俄祇是遣兵游戈六爾阿烏之間以相牽綴於彼究無大損斯即將來

勘分並無出入亦豈合算此臣深維事勢輒中夜徬徨
惄然不自安者也相應懇

恩飭下總理各國事務衙門該處界務究應如何辦理
迅與駐京俄使議結以期休息士卒節省度支邊陲幸
甚謹附片密陳伏乞

聖鑒訓示

陶模奏購辦洋槍鑄造鐵砲以固邊防摺

竊維籌邊以武備爲要行軍以利器爲先溯查前陝甘督臣左宗棠前新疆撫臣劉錦棠平定西陲雖刀矛並用得力於槍砲者居多現查新疆舊存各項或久經操用機簧不靈或爲數無多不敷分撥非酌量購辦不足以備緩急臣到任以來除由甘肅分購毛瑟槍三千桿應歸督臣楊昌濬併案具奏外計委員前赴天津咨請北洋大臣李鴻章代購毛瑟後膛單響馬槍一千桿前膛來福步槍二千桿前膛來福馬槍二千桿又由上海

新疆圖志

奏議志十四

一一一

招商局代購後膛毛瑟單響步槍二千桿毛瑟馬槍一千桿前膛來福步槍二千桿馬槍二千桿需用彈子槍頭佩帶及修整槍械機器等項均購辦齊全至新疆各廳州縣共三十餘城多無存城砲位查北路濟木薩屬水西溝向產鐵苗前護撫臣魏光燾招商試辦出鐵漸多惟質性甚粗非加工提鍊難期精良臣飭藩司揀派妥員承造大小鐵砲二百尊自四五百觔至二千觔不等以便分解各城藉資防守每砲一觔並工料薪水計算銀一錢七分每尊配子三百顆每觔價銀一錢三分

飭解省城演試均能命中致遠現在各項洋槍尙未運
齊砲位亦未鑄造足數所需價銀及運腳等項銀兩即
在歲撥軍械經費內動支容俟開列細數彙入軍需項
下請銷是否有當合無仰懇
天恩飭部立案施行



陝甘總督楊昌濬
新疆巡撫陶模會議胡景桂新疆邊防善後摺

竊臣等於光緒十七年冬間先後承准軍機大臣字寄
光緒十七年十月十八日奉

上諭胡景桂奏條陳新疆邊防善後事宜一摺所陳裁
兵裕餉興屯各節不無可採其餘各條有無窒礙著長
庚楊昌濬陶模悉心會商妥議具奏原摺均著鈔給閱
看將此各諭令知之欽此遵

旨寄信前來臣等欽遵閱看編修胡景桂所陳各條洵
屬留意邊防當即體察情形往返函商謹就原奏分別

新疆圖志

奏議志十四

一一一

條議爲我

皇上敬陳之

一原奏新疆宜裕邊儲一條查新疆開設行省幅員遼
濶額定旗綠兵丁共三萬一千名實不爲多伊犁與塔
爾巴哈臺二面鄰俄南路各城在在當衝礙難再事裁
汰現在新疆歲撥協餉三百三十六萬兩名爲兵餉而
一切例支地方善後旗營經費等項皆在其中自光緒
十四年起司庫伊塔道庫塔爾巴哈臺同知庫每年存
銀十餘萬及二十萬兩不等此外無可再行提存各省

關銖積寸累公私用億臣等備悉其艱無如新省歲入
僅等江浙一大縣事事仰給內地勢處於無可如何裁
兵存餉之說應請毋庸置議

一原奏裁兵分屯一條查屯田足食固籌邊者所艷稱
然四民爲農最苦人多憚於力穡新疆勇丁皆闕內人
原因不肯力田始甘心爲兵旣入兵籍何能於萬里外
更事耕耘前撫臣劉錦棠於北路廳縣招戶墾種勇丁
亦多就募給與房屋牛籽成本每戶領銀或三四十兩
或六七十兩較該編修所奏之數有贏無絀並設屯正

新疆圖志

奏議志十四

一四

屯長層層鈐束而各勇丁不安耕作動輒潛逃卽令勉
就約束而鹵莽耕穫作輟自便實於邊儲無其裨益至
遣屯一項尤難就緒農雖小道亦須童而習之遣犯習
於游惰非桀驁不馴卽素有嗜好且半無家室逃者徒
煩緝拿留者無裨戶口現在北路荒地尙多招各城業
農纏回有家室而無田產者設法安插俾令承墾應徐
俟成效惟南路各城富於糧食艱於轉運百物昂貴米
麥獨賤發餉時兵勇均求全領現銀不願領糧扣餉良
由年歲中稔市價賤於例價之故是儲有益民食無補

度支今日邊計正非專言屯政所可賅也

一原奏善後經費宜核實一條新疆諸須創辦統言之則曰善後分之則頭緒百端除城垣衙署均須重建外凡農桑學校下至醫藥等項無日不爲民辦事即無處不需款開支現雖部撥新疆善後經費銀十四萬兩伊犁十一萬二千兩塔爾巴哈臺三萬兩而南北兩路事多未竣伊犁塔爾巴哈臺分隸未久百廢待舉不敷尤鉅查前項經費非裁兵而設亦非專爲屯田之用至謂歷年裁勇不下數萬嘉峪關所報不過數千聞皆在商

新疆圖志

奏議志卷十四

二一五

山中將來恐其滋事等語查卓勝軍蜀軍嵩武軍或遣撤或調防湘楚各軍亦裁汰不少統計東旋者以數萬計肅州迤北徑途不一不必定由嘉峪關行走關吏所報未足爲憑其流寓塞外者散處各城或商販或工作或充各衙門局卡丁夫本可謀生無如懶惰性成稍有餘資卽舍業而嬉迨所積用罄計無所出間往南山偷種罌粟冬令雪深仍故居各城不願入籍爲農黠者或誑領屯費潛逸無蹤原奏擬於善後經費內提二三十萬金爲安置之費應請毋庸置議

一原奏布倫托海宜屯墾一條查布倫托海即赫色勒巴什淖爾在科布多西南塔爾巴哈臺東境南至迪化西至塔爾巴哈臺各千餘里亂時難民寄居者萬餘人塔城所屬舊吐爾扈特額魯特及哈薩克部衆寄居因沙土瘠薄平定後均各遷回光緒九年定界將齋桑淖爾東南地割隸俄國斜米省設有齋桑斯克近鄰布倫托海於科布多新疆形勢均有窒礙聞近有俄屬哈薩克潛逃布倫托海南越沙山冒充中屬哈薩克至古城綏來售賣牲畜殊難稽察該處本科布多屬地如將科

新疆圖志

奏議志卷十四

一一六

布多幫辦大臣移駐布倫托海就近防守阿爾泰山抽派蒙民常川屯駐實於邊防有裨應俟臣等咨商科布多大臣酌議具奏其胡圖斯拉一帶金苗旺否容查明商辦

一原奏礦務商務宜籌辦一條查華民拙於煉礦非雇洋匠購機器不可然治礦須習化學運機須習重學一知半解輒易債事專恃洋人尤非久計言礦務於東南當以講求藝術爲先言礦務於西北雖有良工奇器亦難得利西國開礦必先測所產足贏所費尤必熟察水

陸運道市埠之近便者幾處運愈速則利愈宏未有於不通輪舶不設鐵軌之處浪擲巨款以興礦務者也新省鉛鐵銅礦以機器取之必多且佳而購機設局費且百萬地無舟楫南路又乏車輛馱運勞費貴於俄產東運甘肅腳價尤昂本境行銷無多非獨工本不能取償即常年經費亦難周轉惟鉛內或含銀質現擬試驗鉛礦如雜有銀質足敷工本再行的辦和闡產玉甚稀于闐縣金苗不旺額定金課累民殊甚緩來等處金礦早廢商民來此者失利固難久居得利則思歸更切礙難

新疆圖志

奏議志十四

二七

招辦原奏又云南路可造船轉運北路宜仿俄國台車之法查南疆葱嶺于闐諸河地勢不平流急沙疏盈涸無定平衍處僅能截流而渡不能從流上下庫車南境塔里木河東抵蒲昌海七八百里可順流行舟惟逆流則南行俄境台車即四輪快車日行二百餘里其台路修築頗平行抵薩瑪爾干鐵路倭連布鐵路均極便捷俄人以台路爲鐵路先聲新疆因籌款艱難坐視鄰邦之布置臣等深爲寒心此時統籌大局東南諸省本通舟楫不必急行汽車應請俟山海關外鐵路工竣即向

西展築則秦晉驛道免種種差徭之累新疆局勢無鞭
長莫及之憂軍務礦務賑務裨益良多若格於浮議日
後敵人往來神速新疆稍有疏虞秦晉亦難安枕似宜
及早籌商

一原奏馬廠駝廠宜試辦一條查伊犁巴里坤舊皆有
駝馬廠兵亂後伊犁各廠均廢巴里坤馬廠獨存惟孳
生馬匹性欠馴良弁勇不樂騎用南路各營就地購用
亦不甚貴古城木壘河等處廢廠多經耕種臣擬於各
廳縣另擇善地分設小廠責成地方文武官經理伊犁

新疆圖志

奏議志十四

二一八

廠務承平時極爲繁盛兵燹後各廠荒廢察哈爾額魯
特兩營丁衆生計維艱臣長庚亟思籌辦廠務以培元
氣苦於軍標額餉並無餘款近年由哈薩克收獲馬匹
試辦孳生爲數不多無裨牧政現在商同臣模設法籌
辦應俟另案具奏至駱駝一項足備轉運應俟牧政漸
興次第試辦

一原奏要害重地宜移兵設防一條查全疆以伊犁爲
樞紐古來守伊犁者必據伊犁河西岸唐儀鳳時王方
翼築碎葉城天寶初鎮四節度居怛羅斯宋時西遼建

都於虎思幹耳朶皆在伊犁河西蓋非此不足以制南路諸部乾隆嘉慶間歷任將軍斤斤於河東布置嗣後迭經分界伊犁一河俄人據三之二今雖增設郡縣實已孤懸敵境宜於博羅塔拉精河等處增駐重兵以聯東路聲勢於冰嶺之北格登山各卡分紮營旗以聯南路聲勢惟增兵又須增費此臣等所躊躇卻顧者也至略喇沙爾居天山之南珠勒都斯係舊吐爾扈特各蒙古牧地瑪喇巴什距俄境較遠喀浪圭等處均非要衝毋庸更張惟烏什邊防必兼顧布回部落距城一百八

新疆圖志

奏議卷之十四

一一九

十里之伊布拉引距城七百六十里之喀拉布拉克最爲扼要已各派馬勇巡防倘邊務喫緊則此處必須增兵以遏那林斯克之衝並爲喀什噶爾後路屏蔽

一原奏伊犁將軍宜假以事權一條查光緒十五年臣

昌濬與前撫臣劉錦棠等會奏伊犁等處統轄事宜摺

內聲明伊犁將軍節制鎮道凡中俄交涉事必須隨時決制者概歸將軍辦理等因奏准在案惟伊犁將軍所轄錫伯索倫察哈爾額魯特四部邊界迤長千餘里伊犁滿營皆瘡痍之餘難稱勁旅四愛曼半耕半牧之兵

不足以禦強敵霍爾果斯特克斯等處平原無險徑途
百出巡防不易軍鎮兩標應聯絡一氣遇有邊警應聽
將軍督率調遣平日操防由將軍就近督察其軍政計
典文武補署仍由巡撫會同將軍具奏

一原奏伊犁四鎮游牧宜培養一條查伊犁駐防及各
愛曼舊本驍勇自經變亂窮困流離謀生不暇欲收強
兵之效以得其力必先籌撫卹之政以厚其生臣長庚
到任後查前護理將軍富勒銘所定四愛曼兵制額多
餉薄不能調練亟思籌辦屯田牛種以裕錫伯索倫兩

新疆圖志

奏議志十四

二十一

營生計籌辦孳生牲畜以裕察哈爾額魯特兩營生計
俾各該兵丁無內顧之憂然後輪班調至惠遠城課以
操槍演砲打靶取準及一切新演陣式庶可漸收成效
惟四領隊聚處一城離防所寫遠不能常事梭巡當此
強鄰逼處應將錫伯營領隊出駐河南索倫營領隊出
駐霍爾果斯城察哈爾領隊出駐博羅塔拉額魯特領
隊出駐特克斯川以固邊防至原奏撫恤難裔一節當
由臣長庚查明辦理

一原奏分疆勘界宜慎重並歸咎分界使臣一條查邊

境被佔由來者漸不能咎專咎專使臣如前侍郎曾紀澤乎
還特克斯川其功正不可泯伊犁舊疆索倫營及額魯
特上三旗汎地最遠領隊大臣均駐惠遠城照顧不及
道光二十六年以後俄人於巴勒噶什淖爾東南築濶
帕勒城於特穆爾圖淖爾之北築威而尼城即七河省
城兩處本列版圖節氣時刻並載時憲書守土諸臣置
若罔聞於是阿克蘇天山迤北察林河等處卡倫及塔
城山之舊雅爾城逐漸入俄蓋未定界約之前被佔不
少咸豐十年議定浩罕為界尙能自立實與俄境無涉

新疆圖志

奏議志十四

二二一

迨浩罕八部相繼淪亡南疆遂緊與俄鄰回匪亂後疆
界益壞勘界時地名詢諸俄人輿圖付諸畫工回語俄
語輾轉繙譯急讀緩讀音義字殊載諸約章亦未詳細
嗣後如有界務應選明於測繪之人隨同勘界使臣如
法詳繪界綫為經城邑道里為緯方向遠近務求密合
以杜爭端

一原奏通商稅關宜設稅釐宜酌減三條查光緒七年
改定條約有俄民於各城貿易暫不納稅等語嗣前撫
臣劉錦棠於古城哈密省城綏來吐魯番先後設局專

收華商貨稅上年經臣模奏奉部復俄商稅則尙未議定若免俄稅而收華稅不特華商受困且援俄商包攬之權應將華商稅銀停止俟俄商稅則議定即復舊章等因在案應即遵照辦理

一原奏學校宜整飭一條查鎮西迪化各屬考試皆關內人入籍緣本地全是客民如停止試事更無以資勸導惟甘肅鄉試鎮迪兩屬另編字號取中往往一經中式使請改歸原籍殊屬不成事體應由禮部核議嗣後以新疆籍貫中式者概不准改歸原籍庶幾邊徼殊方

新疆圖志

奏議七十四

二二一

絃誦不輟至南疆義學回童皆按名給以錢米隨時考察獎賞取作份生以示鼓勵無如纏回言語不通文字不同視讀書爲畏途爲師者又祇課詩文不教實學臣模到任後另定章程嚴飭各屬督同塾師通事教識漢字學漢語刪除虛文以朱子小學等書導以孝弟忠信修身敦行之道以期轉移風會漸有實效

一原奏錢法宜變通一條查省城及南路設立官錢局商民稱便伊犁設局後俄帖業已停止辦理雖甚踴躍圍法藉以維持斷不敢率爾裁撤省城及庫車試鑄紅

錢人工物力無不昂貴定價每紅錢四百文合銀一兩
不免賠貼工本較之嘉慶初年阿克蘇錢局以二百二
十文合銀一兩則現價尙不甚昂當再行廣鑄以期銀
錢兩價漸得其平

以上所議各條因原奏各節有毋庸更議者有業已辦
理者有應行籌商者臣等悉心商酌意見相同謹合詞
恭摺具陳伏乞
聖鑒訓示施行

新疆圖志

奏議志十四

二二二

